

The Electronic *Manipulus florum*
www.manipulusflorum.com

Dilectio y
cum fonte primo

Cum humane condicionis status multiplici motu uarietur,
nichil in temporalibus inuenio preter unum
quod uite celestis ymaginem representet.
Sola dilectio est quam non alterat casualis euentus,
quam separacio corporalis non diuidit,
quam temporis longitudo non abolet,
que defectui non succumbit.
Sola dilectio est per quam amicos absentes uidemus,
alloquimur, amplexamur,
qui sic quadam angelica agilitate
et ymaginario commeato transuolat et recurrit
ut nichil de dampno corporee molis
aut distancie localis iniuria conqueramur.

Petrus Rauennas in epistola.

Cum humane condicionis status motu multiplici uarietur,
nichil in temporalibus inuenio preter unum
quod uite celestis imaginem repraesentet.
Sola dilectio est quam non alterat casualis euentus,
quam separatio corporalis non diuidit,
quam temporis longitudo non abolet,
quae defectui non succumbit.
Sola dilectio est per quam dominos et amicos absentes uidemus,
alloquimur, amplexamur.
Quae sic quadam angelica agilitate
et imaginario commeatu transuolat et recurrit,
ut nihil de damno corporeae molis
aut distantiae localis iniuria conqueramur.

Petrus Blesensis, *Epistolae*, 30A.2 (L. Wahlgren ed., p.180, ll.4-12). cf. PL 207, col.100C-101A.